

— 7 —

Ha pa vue dirazán e presant e c'honje :
Ia, Sir, emezi, me zo bet en arme ;
Gout a rân an exerciç ha mania eur zabren,
Ha laqat da dehel meur o adversourien.

Ar Roue mad neuze n'eus-hi recompanset,
Vel eur zoudard vaillant en devoa meritet,
Rac-se, merc'hed yaouanc, rediv oll d'an arme
Hac o po recompanç ive gant ar Roue.



CHANSON AR MARICHAL 91

Var an ton gallec.

ME a zo eur Marichal paour,
Mes preferi a ran d'an aour
Plijadur ha laouenidiguez.
O ! pegen douç eo va etat !
P'en em laguân da labourat !
E lavar va anter-tieiguez :
To to to; scô ato, to to to ha scô piqant,
Pa zomp hon daou var an attant.

Diouz an nôz ha diouz ar mintin,
Pa blant va greg c'hoez er veguin,
E velfec'h an tân o furori
An ouarn zo rus en eun tol ;
Gant adress e crog er morzol ;
Gout a ra e laqat da c'hoari. To to to

-- 8 --

Certen, sônjal a rit, tud vad,
 E xeo poanius bras va etat ;
 Mes va JANNED a voar ar féçon
 D'am zoulagi ha d'am zicour :
 Pa za daou-anter al labour :
 YANN, emezi couraj, va mignon. To to to.

An anneau a meus na uz tam,
 Coulz eo hac unan nevez - flam ;
 Caer a meuz varnezi labourat,
 Biqen james ne za da fall :
 Sqèi a ra evel eun den dall ;
 Bepred e lavar va c'hamarad : To to to.

Va c'hovel a zo tom beprèt,
 Va brelum a zo douç meurbet :
 Toull an dour a zo em c'hichennic.
 Evit trempa, pa meus ezom,
 Hep labour n'oufen james chom,
 Re goant e lavar va JANNEDIC ;
 To to to, scò ato, to to to ha scò piqant
 Pa zomp hon daou var an attant.

FIN.

